



Stjórn Kviku banka hf., kt. 540502-2930, Katrínartúni 2, 105 Reykjavík (hér eftir „bankinn“) hefur á grundvelli heimildar sem henni var veitt var á aðalfundi bankans 21. apríl 2021 samþykkt svofellda:

KAUPRÉTTARÁÆTLUN

í samræmi við 10. gr. laga nr. 90/2003, um tekjuskatt („kaupréttaráætlunin“)

Af hálfu Kviku banka hf. er staðfest að kaupréttaráætlun þessi, sem stjórn Kviku banka hf. samþykkti upphaflega í kjölfar aðalfundar bankans, hefur verið uppfærð og er hér um endanlega útgáfu hennar að ræða, að því gefnu að samþykki Skattsins fáið útgefið fyrir 11. desember næstkomandi.

F.h. Kviku banka hf.

1. Markmið

- 1.1 Markmið fyrirhugaðrar kaupréttaráætlunar bankans er að samþætta hagsmunum starfsfólks við langtímamarkmið bankans og dótturfélaga hans (hér eftir „samstæðan“).
- 1.2 Starfsfólki samstæðunnar gefst þannig kostur á að gera samning um ávinnslu kaupréttar á hlutum í samræmi við 9. gr. kaupréttaráætlunarinnar. Kaupverð í kaupréttarsamningum sem kunna að vera gerðir á grundvelli áætlunar þessarar skulu ávallt vera í samræmi við reglur 4. tölul. 10. gr., sbr. 9. gr. laga nr. 90/2003, um tekjuskatt.

2. Kaupréttarhafar

- 2.1 Allir fastir starfsmenn samstæðunnar, með þeim undantekningum sem að neðan greinir, falla undir kaupréttaráætlun þessa og teljast kaupréttarhafar í skilningi hennar.
- 2.2 Réttur kaupréttarhafa samkvæmt kaupréttarsamningi, sem fellur undir kaupréttaráætlunina, skal vera sá sami fyrir allt starfsfólk samstæðunnar, óháð starfsaldri, starfsábyrgð eða hvaða launaflokki viðkomandi tilheyrir.
- 2.3 Öllu starfsfólki, sem uppfyllir skilyrði kaupréttaráætlunarinnar sem og önnur lögbundin skilyrði fyrir veitingu slíks kaupréttar, skal boðinn kaupréttur á sömu kjörum.
- 2.4 Fastir starfsmenn teljast þeir starfsmenn sem hafa verið fastráðnir, einkum með ótímabundnum ráðningarsamningi við félag innan samstæðunnar, og hafa skuldbundið sig til að starfa fyrir viðkomandi félag gegn endurgjaldi.
- 2.5 Kaupréttaráætlunin nær ekki til verktaka sem starfa fyrir samstæðuna, starfsfólks sem er lausráðið til skamms tíma eða stjórnarmanna bankans. Þá nær áætlunin ekki til þess starfsfólks samstæðunnar sem vegna annarra reglna, svo sem ákvæða laga um fjármálafyrirtæki, má ekki eiga hluti í bankanum eða stunda viðskipti með þá.
- 2.6 Kauprétturinn skal ná til allra fastra starfsmanna innan samstæðunnar eftir gerð kaupréttaráætlunarinnar. Réttinn skal kynna fyrir nýju starfsfólki samhliða gerð ráðningarsamnings. Ávinningur miðast þá við tímamarkið frá og með næsta innlausnardegi eftir að ráðningarsamband tók gildi og þar til áætlun þessi rennur skeið sitt á enda eða þar til kaupréttarhafi lýkur störfum.
- 2.7 Bankinn hyggst kynna starfsfólki rétt þann sem þeir eiga samkvæmt kaupréttaráætluninni á sérstökum fundi eða fjárfundarkynningu sem fylgt verður eftir með tölvupósti.

- 2.8 Gerðir verða skriflegir kaupréttarsamningar við kaupréttarhafa. Rafræn undirritun á kaupréttarsamning jafngildir hefðbundinni undirritun.

3. Réttur samkvæmt kaupréttarsamningi

- 3.1 Hlutum keyptum með kaupréttarsamningi á grundvelli kaupréttaráætlunarinnar fylgja öll sömu réttindi og öðrum hlutum í bankanum.
- 3.2 Réttindi samkvæmt kaupréttarsamningi, gerðum á grundvelli kaupréttaráætlunarinnar, skulu fyrst innleysanleg 12 mánuðum eftir undirskriftardag samningsins. Þó skal heimilt samkvæmt samningi að réttindi skuli fyrst innleysanleg allt að 36 mánuðum eftir undirskriftardag samnings. Með undirskriftardegi er átt við þann dag þar sem fyrir liggur bæði skuldbinding bankans um kauprétt kaupréttarhafa og staðfesting viðkomandi kaupréttarhafa á samningnum. Framangreint er lögbundið skilyrði fyrir að kaupréttarhafi geti nýtt sér skattaávilnanir sem fram koma í 10. gr. laga nr. 90/2003, um tekjuskatt.

4. Ávinnsla kaupréttar

- 4.1 Kaupréttur hvers kaupréttarhafa ávinnst í allt að þremur áföngum á þremur árum á grundvelli kaupréttaráætlunarinnar. Hver eftirtalinna daga telst til innlausnardags:
- i) Þann 15. desember 2022 hefur kaupréttarhafi áunnið sér rétt til kaupa á hlutafé fyrir allt að kr. 1.500.000,-.
 - ii) Þann 15. desember 2023 hefur kaupréttarhafi áunnið sér rétt til kaupa á hlutafé fyrir allt að kr. 1.500.000,-.
 - iii) Þann 15. desember 2024 hefur kaupréttarhafi áunnið sér rétt til kaupa á hlutafé fyrir allt að kr. 1.500.000,-.
- 4.2 Kaupréttur skal myndast hlutfallslega fyrir hvern mánuð sem kaupréttarhafi er í föstu starfi á ávinnslutímabilinu.

5. Gildistími kaupréttar

- 5.1 Ávinnsla kaupréttar er bundin því að kaupréttarhafi starfi fyrir félag innan samstæðunnar. Kaupréttur tekur gildi við undirskrift kaupréttarsamnings í samræmi við kaupréttaráætlunina og gildir þar til hann fellur niður á síðasta innlausnardegi eða samkvæmt neðangreindu.
- 5.2 Nú starfar kaupréttarhafi ekki lengur fyrir félag innan samstæðunnar og fellur kaupréttur hans þá niður, sbr. þó 5.3 gr. og 5.4 gr. hér á eftir.
- 5.3 Beri starfslok kaupréttarhafa að vegna aldurs, andláts hans eða vegna þess að hann verður óvinnufær sökum heilsuþrests skal kaupréttarhafi þó hafa hlutfallslegan áunninn kauprétt, miðað við lok þess mánaðar sem starfslok báru að, og skal hann eða dánarbú hans innan tíu (10) daga frá birtingu ársuppgjörs bankans fyrir viðkomandi ár tilkynna hvort kaupréttur verði nýttur.
- 5.4 Komi til starfsloka kaupréttarhafa að frumkvæði bankans/dótturfélags, án sakar og/eða án þess að um verulegt brot á ákvæðum ráðningarsamnings milli aðila sé að ræða skal kaupréttarhafi hafa hlutfallslegan kauprétt og skal miða lok kaupréttarins við lok þess mánaðar er kaupréttarhafi lætur af störfum.

6. Kaupverð

- 6.1 Hlutir í bankanum eru skráðir til viðskipta í kauphöll og skal kaupverð hluta samkvæmt kaupréttarsamningum, gerðum á grundvelli kaupréttaráætlunarinnar, ákvarðað í samræmi við vegið meðalverð í viðskiptum með hluti bankans tíu heila viðskiptadaga fyrir samningsdag.
- 6.2 Nýti kaupréttarhafi kauprétt sinn skal hlutafé staðgreitt með reiðufé.

7. Eignarhaldstími hluta

Kaupréttarhöfum er ekki gert skylt að eiga keypta hluti samkvæmt kaupréttarsamningi í ákveðinn tíma, en í kaupréttarsamningi skal vera ábending um lögbundið skilyrði ákvæðis 5. tölul. 10. gr. laga nr. 90/2003, um tekjuskatt, um tveggja ára lágmarks eignarhaldstíma frá nýtingu kaupréttar. Ef skilyrði ákvæðisins eru ekki uppfyllt telst mismunur kaupverðs samkvæmt kaupréttarsamningi og markaðsverð við innlausn til skattskyldra tekna sem launatekjur.

8. Framsal og veðsetning

Kaupréttur samkvæmt samningi, sem gerður er á grundvelli kaupréttaráætlunarinnar, er ekki framseljanlegur, né má hann veðsetja, og skal það tiltekið í kaupréttarsamningi.

9. Hámark kaupa

Hámarksupphæð sem hver kaupréttarhafi getur keypt hluti fyrir, á grundvelli kaupréttaráætlunarinnar, er kr. 1.500.000,- á ári, sbr. ákvæði 7. tölul. 1. mgr. 10. gr. laga nr. 90/2003, um tekjuskatt. Óheimilt er að safna upp eða fresta innlausn áunnins kaupréttar og fellur óinnleystur kaupréttur niður.

10. Heimild til niðurfellingar kaupréttaráætlunar

Stjórn bankans er heimilt fella áætlun þessa niður í heild í eftirtöldum tilvikum, sbr. liði i)-v) hér að neðan. Við niðurfellingu falla niður réttindi og skyldur sem af áætluninni má leiða án þess að sú ákvörðun leiði til bótaábyrgðar fyrir bankann.

- i) Við samruna bankans við félag utan samstæðu.
- ii) Komi til þess að verulegur hluti samstæðunnar verði seldur.
- iii) Ef fyrirséð er að bankinn uppfylli ekki kröfur um eiginfjárgrunn, eiginfjárauka eða mat á eiginfjárbörf samkvæmt ákvæðum laga um fjármálafyrirtæki eða kröfur um laust fé.
- iv) Komi til endurskipulagningar fjárhags, afturköllunar starfsleyfis, skipunar bráða-birgðastjórnar eða slítameðferðar bankans.
- v) Ef bankinn hlýtur lán til þrautavara frá seðlabanka eða sambærilega fjárhagsaðstoð.

11. Staðfesting skattsins

Kaupréttaráætlunin er háð samþykki embætti skattsins og verður borin undir embættið til staðfestingar, sbr. ákvæði 8. tölul. 1. mgr. 10. gr. laga nr. 90/2003, um tekjuskatt, áður en hún tekur gildi.

12. Fyrirvari um útgáfu nýrra hluta

Kaupréttaráætlunin, kaupréttarsamningar og skuldbindingar bankans gagnvart kaupréttarhöfum eru ávallt bundnar skilyrði um að bankinn geti afhent hlutafé til að efna samninga, annað tveggja með útgáfu nýrra hluta eða afhendingu eigin hluta. Stjórn bankans hefur heimild hluthafafundar til að auka hlutafé bankans til að standa við kaupréttarsamninga samkvæmt þessari kaupréttaráætlun.

13. Samþykkt áætlunar og annað

13.1 Stjórn bankans samþykkir kaupréttaráætlunina, á þeim degi sem tilgreindur er hér að neðan. Því til staðfestu undirritar stjórnarformaður kaupréttaráætlunina, fyrir hönd stjórnar.

13.2 Með kaupréttaráætluninni fylgja drög að kaupréttarsamningi í samræmi við áætlunina.

Reykjavík, 1. desember 2021

F.h. Kviku banka hf.

Marínó Örn Tryggvason
framkvæmdastjóri

F.h. Kviku banka hf. er staðfest að samningsform þetta verður notað við gerð kaupréttarsamninga á grunni kaupréttaráætlunar sem stjórn Kviku banka hf. hefur samþykkt í kjölfar aðalfundar bankans.


F.h. Kviku banka hf.

KAUPRÉTTARSAMNINGUR

– í samræmi við kaupréttaráætlun –

Eftirfarandi samningur er gerður milli bankans og kaupréttarhafa. Samningurinn er í samræmi við kaupréttaráætlun bankans, sem stjórn bankans samþykkti á fundi sínum þann 10. nóvember 2021 og staðfest var af skattinum [dagsetning] („kaupréttaráætlunin“).

Kaupréttaráætlunin, fylgiskjöl hennar og fylgiskjöl samnings þessa er ófrávíkjanlegur hluti samningsins. Samningur þessi skal taka mið af breytingum á kaupréttaráætluninni, sem stjórn bankans samþykkir og staðfestar eru af skattinum, sem og breytingum á reglum og samþykktum bankans sem kunna að vera gerðar.

Samningurinn veitir kaupréttarhafa rétt til kaupa á hlutabréfum í bankanum að fullnægðum skilyrðum samnings þessa og kaupréttaráætlunarinnar.

Kaupréttarhafi:	Starfsmaður samstæðunnar sem undirritar samning þennan.
Bankinn:	Kvika banki hf. Kt. 540502-2930 Katrínartúni 2, 105 Reykjavík.
Samstæðan:	Bankinn og dótturfélög í skilningi ákvæðis 2. gr. laga nr. 2/1995, um hlutafélög.
Undirskriftardagur:	Sá dagur sem tiltekinn er rafrænni undirritun kaupréttarhafa.
Ávinnslutímabil:	[15. desember 2021 – 15. desember 2024] eins og fram kemur í 1. mgr. 4. gr. kaupréttaráætlunar.
Innlausnardagar:	[15. desember 2022], [15. desember 2023] og [15. desember 2024], sbr. 1. mgr. 4. gr. kaupréttaráætlunar. Að lágmarki skulu líða 12 mánuðir frá gerð samnings um kauprétt þar til kaupréttur er fyrst nýttur.
Kaupgengi:	Reiknast út frá gangverði hluta í viðskiptum í Kauphöll, þar sem hlutir í bankanum eru skráðir, og skal vera í samræmi við vegið meðalverð í viðskiptum með hluti bankans tíu heila viðskiptadaga fyrir samningsdag, sbr. 4. tölul. 10. gr., sbr. 9. gr. laga nr. 90/2003, um tekjuskatt.
Kaupréttur:	Allt að 4.500.000,- að kaupverði á þriggja ára tímabili en að hámarki kr. 1.500.000,- að kaupverði á ári.

1. Inntak kaupréttar

- 1.1. Samningur þessi telst ekki vinnusamningur né verksamningur. Samningur þessi veitir kaupréttarhafa ekki sjálfstæðan rétt til að halda áfram störfum hjá bankanum eða eftir atvikum dótturfélagi hans.
- 1.2. Réttindi sem felast í kauprétti verða ekki innleyst nema ótvírætt sé talið að slíkt sé í samræmi við gildandi lög og reglur á hverjum tíma, þ.m.t. ákvæði laga um fjármálafyrirtæki. Kaupréttarhafa kann að vera óheimilt að nýta kauprétt sinn, t.d. vegna ákvæða innherjareglna. Í slíkum tilvikum skal nýting heimil strax og slíkt bann hættir að eiga við um viðkomandi kaupréttarhafa. Kaupréttur fellur ekki niður við slíkar aðstæður.
- 1.3. Kaupréttur er háður því skilyrði að bankinn hafi ótvíræða heimild til útgáfu viðkomandi hlutabréfa og að þau hafi verið skráð með viðhlítandi hætti, eða að bankinn hafi yfir að ráða eigin hlutum til afhendingar til kaupréttarhafa, sbr. ákvæði 12. gr. kaupréttaráætlunar.
- 1.4. Stjórn bankans hefur heimild hluthafafundar til að auka hlutfé bankans til að standa við kaupréttarsamning þennan.

2. Verð og gildistími

- 2.1. Kaupréttarhafa er heimilt að kaupa í bankanum fyrir allt að kr. 1.500.000,- á ári á ávinnslutímabilinu, sbr. grein 2.3 hér að neðan. Fjöldi hluta leiðir af framangreindu hámarkskaupverði og kaupgengi hluta. Kaupverð hvers hlutar byggir á reglum 10. gr. laga nr. 90/2003, um tekjuskatt, sbr. einkum 4. tölul., og skal vera hið sama og vegið meðalverð í viðskiptum með hluti í bankanum í tíu heila viðskiptadaga fyrir samningsdag.
- 2.2. Kaupréttur skal myndast hlutfallslega fyrir hvern mánuð sem starfsmaður er í föstu starfi á ávinnslutímabilinu. Þannig skal kaupréttur nema 1/12 fyrir hvern mánuð sem kaupréttarhafi er í starfi á ávinnslutímabilinu.
- 2.3. Kaupréttur hvers kaupréttarhafa ávinnst í allt að þremur áföngum á þremur árum á grundvelli kaupréttaráætlunarinnar. Hver eftirtalinna daga telst til innlausnards dags:
 - a. Þann 15. desember 2022 hefur kaupréttarhafi áunnið sér rétt til kaupa á hlutfé fyrir allt að kr. 1.500.000,-.
 - b. Þann 15. desember 2023 hefur kaupréttarhafi áunnið sér rétt til kaupa á hlutfé fyrir allt að kr. 1.500.000,-.
 - c. Þann 15. desember 2024 hefur kaupréttarhafi áunnið sér rétt til kaupa á hlutfé fyrir allt að kr. 1.500.000,-.
- 2.4. Kaupréttur tekur gildi á undirskriftardegi í samræmi við almenna kaupréttaráætlun bankans og gildir þar til hann fellur niður á innlausnardegi samkvæmt samningi þessum, eða við eftirgreindar aðstæður:
 - a. starfslok, nema að því leyti sem greinir hér að neðan,
 - b. andlát kaupréttarhafa,
 - c. samkomulag aðila þar um.

- 2.5. Beri starfslok kaupréttarhafa að vegna aldurs, andláts hans eða vegna þess að hann verður óvinnufær sökum heilsubrests skal kaupréttarhafi þó hafa hlutfallslegan áunninn kauprétt, miðað við lok þess mánaðar sem starfslok báru að, og skal hann eða dánarbú hans innan tíu (10) daga frá birtingu ársuppgjörs bankans fyrir viðkomandi ár tilkynna hvort kaupréttur verður nýttur.
- 2.6. Komi til starfsloka starfsmanns að frumkvæði bankans/dótturfélags, án sakar og/eða án þess að um verulegt brot á ákvæðum ráðningarsamnings milli aðila sé að ræða skal kaupréttarhafi hafa hlutfallslegan kauprétt og skal miða lok kaupréttarins við lok þess mánaðar er starfsmaður lætur af störfum.
- 2.7. Kaupréttarhafi skal hafa sent sérstaka skriflega yfirlýsingu til stjórnar, sbr. fylgiskjal 1, um að hann hyggist nýta sér réttinn til kaups á hlutabréfunum eigi síðar en 1 mánuði fyrir innlausnardag á netfangið askrift@kvika.is. Að öðrum kosti fellur réttur hans til kaupa niður.
3. Réttur kaupréttarhafa
- 3.1. Engin skylda hvílir á kaupréttarhafa að nýta sér kaupréttinn. Einungis er um að ræða rétt. Flutningur í starfi innan bankans eða samstæðunnar hefur engin áhrif á rétt þennan.
4. Hömlur og önnur skilyrði
- 4.1. Það er skilyrði fyrir kauprétti samkvæmt samningi þessum að kaupréttarhafi sé í starfi hjá bankanum eða dótturfélagi hans þegar hann fær kaupréttinn svo og er hann hyggst nýta sér réttinn til kaups og hafi þá ekki sagt starfi sínu lausu, sbr. þó ákvæði 2. gr. samnings þessa.
- 4.2. Kaupréttarhafa er óheimilt framsal á rétti samkvæmt samningi þessum og verður aðeins innleystur af honum sjálfum.
- 4.3. Veðsetning réttar samkvæmt samningi þessum eða á innleystum rétti er óheimil.
5. Greiðslur
- 5.1. Gjaldtagi kaupréttar skal vera á þeim degi þegar kaupréttarhafi innleysir kauprétt sinn. Greitt skal í reiðufé og telst greiðsludagur kaupverðs kaupdagur hlutabréfanna.
- 5.2. Hlutabréfin veita kaupréttarhafa engin réttindi fyrr en eftir greiðslu.
6. Tilkynningar
- 6.1. Allar tilkynningar sem vísað er til í samningi þessum svo og í kaupréttaráætluninni skulu gerðar skriflega.
7. Eignarhaldstími hluta
- 7.1. Kaupréttarhafa er ekki skylt að eiga keypta hluti samkvæmt kaupréttarsamningi þessum í ákveðinn tíma.
- 7.2. Athygli kaupréttarhafa er hins vegar vakin á að kvöð er um a.m.k. tveggja ára eignarhaldstíma hluta eftir innlausn þeirra samkvæmt 10. gr. laga nr. 90/2003, um

tekjuskatt, vilji kaupréttarhafi nýta sér skattaívilnun sem ákvæðið kveður á um. Að sama skapi kunna innherjareglur þó eftir atvikum að koma í veg fyrir sölu á tilteknum tíma.

8. Afturköllun og endurkrafa kaupréttar

8.1. Bankanum er heimilt að afturkalla kauprétt kaupréttarhafa samkvæmt kaupréttarsamningi þessum, í heild eða hluta, fram að innlausnardegi við eftirtaldar aðstæður, sbr. a.-e. lið hér að neðan. Við niðurfellingu falla niður réttindi og skyldur sem af kauprétti má leiða án þess að sú ákvörðun leiði til bótaábyrgðar fyrir bankann.

- a. Við samruna bankans við félag utan samstæðu.
- b. Komi til þess að verulegur hluti samstæðunnar verði seldur.
- c. Fyrirséð er að bankinn uppfylli ekki kröfur um eiginfjárgrunn, eiginfjárauka eða mat á eiginfjárbörf samkvæmt ákvæðum laga um fjármálafyrirtæki eða kröfur um laust fé.
- d. Komi til endurskipulagningar fjárhags, afturköllunar starfsleyfis, skipunar bráðabirgðastjórnar eða slitameðferðar bankans.
- e. Bankinn hlýtur lán til þrautavara frá seðlabanka eða sambærilega fjárhagsaðstoð.

9. Önnur ákvæði

- 9.1. Kaupréttur samkvæmt samningi þessum er ekki framseljanlegur.
- 9.2. Kaupréttur samkvæmt samningi þessum takmarkar ekki hvers kyns réttindi bankans t.a.m. til breytinga á starfsemi sinni þó að breytingar kunni að hafa áhrif á kauprétt.

10. Lagaskil og úrlausn ágreiningsefna

- 10.1. Komi upp ágreiningur milli aðila um kaupréttarsamning þennan eða einstök ákvæði hans, skulu aðilar, í góðri trú, leita sátta um slíkan ágreining. Nái aðilar ekki samkomulagi innan 30 daga frá því að ágreiningur kemur upp skal hvorum aðila um sig heimilt að hefja gerðarmeðferð í samræmi við 2. mgr. 10. gr. samnings þessa.
- 10.2. Allur ágreiningur, deilur eða kröfur sem kunna að rísa vegna eða í tengslum við kaupréttarsamning þennan, þar á meðal vegna stofnunar hans, gildis, samningsbrots eða riftunar, skal leyst úr með gerðarmeðferð í samræmi við reglugerð Gerðardóms Viðskiptaráðs Íslands sem í gildi er þegar gerðarmeðferð hefst og skulu reglur gerðardómsins gilda um málsmeðferð. Gerðadómurinn skal skipaður þremur gerðarmönnum og skal sæti hans vera í Reykjavík. Að öðru leyti fer um störf gerðardómsins eftir ákvæðum laga um samningsbundna gerðardóma.
- 10.3. Kaupréttarsamningurinn skal túlkaður og beitt að fullu í samræmi við íslensk lög og þær réttarreglur sem gildi hafa á samningstímanum.
- 10.4. Kaupréttarhafi lýsir því yfir að hann hefur kynnt sér kaupréttaráætlun bankans.



10.5. Aðilar staðfesta hér með efni samningsins með fullgildri rafrænni undirskrift í samræmi við lög nr. 55/2019 um rafræna auðkenningu og traustþjónustu fyrir rafræn viðskipti. Undirskriftasiða fylgir.



Fylgiskjal 1

[dags.]

Kvika banki hf.
b.t. stjórnarformanns

Efni: Tilkynning um innlausn kaupréttar

Vísað er til kaupréttarsamnings undirritaðs og Kviku banka hf., hinn [dags.]. Samkvæmt skilmálum kaupréttar, sbr. grein 2.3, er kaupréttarhafa heimilt að kaupa hlut í félaginu að uppfylltum ákveðnum skilyrðum.

Undirritaður tilkynnir hér með stjórn Kviku banka hf. að hann hyggst nýta rétt sinn samkvæmt fyrirnefndum kaupréttarsamningi til að kaupa [●] hluti í félaginu á eftirfarandi innlausnardegi:

Þá fer undirritaður þess á leit við stjórn félagsins að hún grípi til viðeigandi ráðstafana í samræmi við skilmála kaupréttarsamningsins eftir því sem við á.

Virðingarfyllt,

[Nafn og kennitala]